



Broj: MB
Datum: 6.1.2021 god.

NACRT OKVIRNOG SPORAZUMA LOT 4 – HLJEB I DRUGI PROIZVODI OD HLJEBA

Zaključen dana 28.12.2020. godine u Sarajevu između:

1. **Kantonalna javna ustanova Dom za djecu bez roditeljskog staranja** sa sjedištem u Sarajevu, Bjelave 52, ID broj: 4200556690000, koju zastupa direktor Tarik Smailbegović / u daljem tekstu: **Naručilac** /
- i
1. **“ROBOT GENERAL TRADING Co” d.o.o. Sarajevo** sa sjedištem u Sarajevu, ul. Rajlovačka cesta 41, ID broj: 4200442090002 kojeg zastupa direktorica Gojak Alma / u daljem tekstu: **Dobavljač** /

I. UVOD

Član 1.

Na osnovu provedenog postupka javne nabavke roba – hljeb i drugi proizvodi od hljeba Ugovorni organ je Odlukom broj: 2635-3/20 od 03.12.2020. godine odabrao ponudu Dobavljača 931/20 od 16.11.2020. godine kao najbolje ocjenjenu ponudu u skladu sa objavljenim kriterijem za donošenje odluke o odabiru i zahtjevima iz tenderske dokumentacije.

Ovaj Okvirni sporazum ne predstavlja obavezu Naručioca na realizaciju u bilo kojem obimu ili vrijednosti u odnosu na ugovorenu količinu.

II. PREDMET I TRAJANJE OKVIRNOG SPORAZUMA

Član 2.

Predmet ovog Okvirnog sporazuma je regulisanje međusobnih kupoprodajnih odnosa za nabavku hljeba i drugih proizvoda od hljeba za potrebe korisnika KJU Dom za djecu bez roditeljskog staranja, prema tenderskoj dokumentaciji i ponudi Dobavljača.

Ovaj Okvirni sporazum važi od **01.01.2021. – 31.12.2021. godine** i predviđa se sa ciljem realizacije isporuke roba tokom perioda ugovorenog ovim Okvirnim sporazumom.

U okviru zaključenog okvirnog sporazuma Ugovorne strane će zaključivati posebne ugovore o kupoprodaji ili isporuku predmeta nabavke vršiti po potrebi Naručioca, na osnovu dostavljene narudžbenice u skladu sa uslovima definisanim ovim sporazumom i tenderskom dokumentacijom.

III. CIJENA

Član 3.

- Ukupna vrijednost ovog okvirnog sporazuma (bez PDV-a) iznosi: **5.857,00 KM;**
- PDV (17%) iznosi: **995,69 KM;**
- **UKUPNA VRIJEDNOST/CIJENA** okvirnog sporazuma (sa PDV-om) iznosi: **6.852,69 KM.**

Cijene su fiksne i ne mogu se mijenjati za vrijeme važenja okvirnog sporazuma.

IV. USLOVI PROVEDBE OKVIRNOG SPORAZUMA

Član 4.

Cijene za svaku nabavku moraju odgovarati cijenama istaknutim u ponudi Dobavljača iz člana 1.stav 1. ovog Okvirnog sporazuma i moraju biti nepromjenjive.

Član 5.

Dobavljač se obavezuje da će početi sa isporukom odmah po zaključivanju ovog Okvirnog sporazuma na zahtjev Naručioca.

Isporuka roba će se vršiti sukcesivno /dnevno, sedmično ili mjesečno/ prema zahtjevima i potrebama Naručioca u roku datom u ponudi Dobavljača.

Mjesto isporuke roba je sjedište Naručioca ul. Bjelave broj 52. - Općina Centar i Blagovac 118. - Općina Vogošća, a po potrebi i druga lokacija koju Ugovorni organ može specificirati u narudžbenici – isključivo na području Kantona Sarajevo.

Član 6.

Naručilac će vršiti plaćanje na osnovu ispostavljenih faktura Dobavljača.

Naručilac će izvršiti plaćanje fakture iz stava 1. ovog člana u roku datom u ponudi Dobavljača, koji počinje teći danom dostavljanja ispravne fakture.

Dobavljač je saglasan da Naručiocu neće zaračunavati zatezne kamate za zakašnjenje pri plaćanju putem Trezora Kantonalnog ministarstva finansija, ako je Naručilac u ugovorenom roku predao nalog za plaćanje.

Član 7.

Pri sklapanju ugovora o javnoj nabavci ugovorne strane ne smiju mijenjati bitne uslove ovog Okvirnog sporazuma.

V. OBAVEZE I ODGOVORNOST DOBAVLJAČA

Član 8.

Dobavljač se obavezuje izvršavati isporuke roba savjesno i odgovorno, na način određen ovim Okvirnim sporazumom sa pažnjom dobrog privrednika.

Dobavljač se obavezuje da će ugovorene robe isporučiti u skladu sa tenderskom dokumentacijom i prihvaćenom ponudom.

Dobavljač se obavezuje čuvati sve podatke i materijale dobivene po osnovu ovog Ugovora i neće ih otkrivati i davati na upotrebu trećim licima.

Član 9.

Kupac se obavezuje da će blagovremeno izvršiti narudžbu, a dobavljač je dužan u roku datom u ponudi izvršiti isporuku koja odgovara kvalitetu i roku upotrebe shodno važećim zakonskim propisima za predmetnu nabavku.

Kupac zadržava pravo da vrši uvid u isporučenu robu i u slučaju bilo koje sumnje, istu ima pravo reklamirati i vratiti u roku od 24 sata.

Član 10.

Za ispravnost i kvalitet isporučene robe odgovoran je dobavljač. Na zahtjev kupca, dobavljač je dužan da dostavi potrebne ateste o kvalitetu i ispravnosti isporučene robe od nadležnog organa i institucije kao npr. Zavod za javno zdravstvo, inspekcijski nalazi za kontrolu kvaliteta i drugo, a vezane za određeni datum naznačen na proizvodu.

VI. OBAVEZE NARUČIOCA

Član 11.

Naručilac se obavezuje saradivati sa Dobavljačem tokom izvršenja isporuka roba i povremeno ga informisati o relevantnim činjenicama koje bi mogle utjecati na izvršenje ugovora.

Naručilac se obavezuje Dobavljaču platiti ugovorenu cijenu za izvršenje isporuke roba na ugovoreni način i u ugovorenom roku.

U slučaju eventualnih propusta Dobavljača u izvršavanju isporuke roba, Naručilac se obavezuje odmah po uočavanju propusta dati Dobavljaču prigovor u pisanoj formi.

VII. BJANKO MJENICA ZA OSIGURANJE IZVRŠENJA UGOVORENIH OBAVEZA

Član 12.

Dobavljač je, u smislu osiguranja izvršenja obaveza po ovom okvirnom sporazumu obavezan Naručiocu dostaviti garanciju za uredno izvršenje ugovora / dobro izvršenje posla u formi bjanko mjenice u iznosu 10 % ukupne vrijednosti okvirnog sporazuma i rokom važenja u periodu od 01.01.-31.12.2020. godine, kao i mjeničnu izjavu u kojoj su navedeni bitni elementi mjenične izjave (naručilac, dobavljač, iznos, naziv postupka, rok važenja, potpis i ovjera dobavljača).

Član 13.

Dobavljač će garanciju iz prethodnog stava dostaviti u roku od 7 dana od dana zaključivanja/obostranog potpisivanja ovog okvirnog sporazuma. Garancija za uredno izvršenje ugovora dostavlja se u originalu. Garancija ne smije biti ni na koji način oštećena (bušenjem, i sl.) jer probušena ili oštećena garancija se ne može naplatiti. Ukoliko garancija za uredno izvršenje ugovora nije dostavljena na propisan način, shodno uslovima iz tenderske dokumentacije i u roku iz prethodnog stava, zaključeni okvirni sporazum smatrat će se apsolutno ništavim.

VIII. UGOVORNA KAZNA

Član 14.

U slučaju kašnjenja u isporuci robe do kojeg je došlo krivicom odabranog ponuđača isti je dužan platiti ugovorenu kaznu u iznosu od 0.1 % ukupne cijene, za svaki dan kašnjenja do urednog ispunjenja, s tim da ukupan iznos ugovorene kazne ne može preći 5 % od ukupno ugovorene vrijednosti robe koja je predmet ugovora.

Odabrani ponuđač je dužan platiti ugovornu kaznu u roku od 7 (sedam) dana od dana prijema zahtjeva Ugovornog organa za plaćanje.

Ugovorni organ neće naplatiti ugovorenu kaznu ukoliko je došlo do kašnjenja usljed više sile.

Pod višom silom se podrazumijeva slučaj kada ispunjenje obaveze postane nemoguće zbog vanrednih vanjskih događaja na koje izabrani ponuđač nije mogao uticati niti ih predvidjeti.

IX. RASKID OKVIRNOG SPORAZUMA

Član 15.

U slučaju da Dobavljač ne bude ispunjavao ili ukoliko ne bude u mogućnosti ispunjavati preuzete obaveze iz ovog Okvirnog sporazuma i uslova ponude ili učini povredu odredbi ovog Okvirnog sporazuma, Naručilac ima pravo jednostranog raskida ovog Okvirnog sporazuma uz pisano obavještenje.

X. RJEŠAVANJE SPOROVA

Član 16.

Sporovi koji eventualno nastanu iz ovog Okvirnog sporazuma, rješavat će se u prvom redu međusobnim sporazumom ugovornih strana, a ukoliko se ne mogu riješiti mirnim putem, oštećena strana može ostvariti svoja prava pred nadležnim sudom u Sarajevu.

Za sve odnose i institute koji nisu utvrđeni ovim Ugovorom, a proisteknu iz njegove realizacije primjenjivat će se odgovarajuća odredba Zakona o obligacionim odnosima.

XI. SASTAVNI DIJELOVI OKVIRNOG SPORAZUMA

Član 17.

Sastavni dijelovi Okvirnog sporazuma su :

- Ponuda Dobavljača broj: 931/20 od 16.11.2020. godine.

XII. STUPANJE NA SNAGU OKVIRNOG SPORAZUMA

Član 18.

Ovaj Okvirni sporazum stupa na snagu danom obostranog potpisivanja.

Član 19.

Okvirni sporazum je sastavljen u 4 /četiri/ istovjetna primjerka, od kojih se ugovornim stranama uručuju po 2 /dva/ primjerka.

UGOVORNI ORGAN

Kantonalna javna ustanova **Dom**
za djecu bez roditeljskog staranja

Tarik Smailbegović

Tarik Smailbegović, direktor

Broj: 2859/20


Datum: 28.12.2020. godine



DOBAVLJAČ

ROBOT GENERAL TRADING

Co d.o.o. Sarajevo



Gojak Alma

Gojak Alma, direktorica

Broj:

04/2021

Datum:

05.01.2021.